

卷七

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷七
 內容分類 集-總集-各代-唐
 索書號 集部-總集-35
 編號 D7841100

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本全文影像資料庫 索書號: 集部-總集-35

漢籍善本全文影像資料庫文本 唐詩品彙九十卷拾遺十卷 嘉靖十六年序刊本

版權所有: 東京大學 東洋文化研究所
 使用上的注意事項

唐詩品彙拾遺卷之一

五言古詩上

太宗皇帝 五首

帝京篇 三首

新寧高棟編

落日雙闕昏迴輿九重暮長煙散初暝皎月澄輕素
 朱幌翫琴書開軒引雲霧斜漢耿層閣清風搖玉樹

二

加臨樂館眺聽歡芳節急管韻朱絃清歌凝白雪
 鳳蕭來儀玄鶴紛成列去茲鄭衛聲雅音方可悅

三

唐詩品彙拾遺卷七

唐詩品彙卷之七

新寧高棟編


五言古詩

大家一

杜甫上

唐史本傳云唐興詩人承陳隋風流浮靡
 相矜至沈宋等研揣律詩競相沿襲逮開
 元間稍裁雅正然而人得一聚皆自名所
 長甫乃渾涵汪洋千彙萬狀兼古今而有
 之又善陳時事律切精深至千言不少衰
 世號詩史○太原王琪云子美博聞稽古
 其用事非老儒博士罕知其自出又曰子
 美詩詞有近質者所謂轉石於千仞之山
 勢也學者尤效之其過甚○王介甫後集
 序云予考古之詩尤愛杜甫氏作者其詞
 所從出一莫知窮極而病未能為者每
 篇出自然人知非人之所能為而為之者

惟其甫也輒能辨之世之學者至乎甫而後為詩不能至要之不知詩焉爾嗚呼詩其難唯甫哉○黃山谷大雅堂記云美詩妙處乃在於無意為文而意已獨至非廣之以國風雅頌深之以離騷九歌安能咀嚼其意味闡然入其門邪彼所興於所遇林泉人物草木魚鳥以為物物皆有地矣○蔡夢弼云少陵先生博極群書馳騁今古周行萬里觀覽謳謔發為歌詩奮乎國風雅頌不作之後比興相侔哀樂交貫揄揚敘述妙達乎真機美刺箴規皆具乎衆體自唐迄今為詩學之宗師家傳而人誦之○秦少游云蘇武李陵長於高妙曹植劉公幹長於豪逸陶潛阮籍長於冲澹謝靈運鮑昭長於俊潔徐陵庾信長於藻麗若子美者窮高妙之格極豪逸之氣包冲澹之趣兼俊潔之姿備藻麗之態而諸家之所不及也○嚴滄浪云少陵詩憲章漢魏而取材於六朝至其自得之妙則先輩所謂集大成者也又曰少陵詩如節制之師○劉須溪云古今窮詩人稱子美



郊島郊島以其命而子美以其時或曰特與命不同耶曰不同使郊島生開元天寶間計亦豈能鳴國家之盛而寒酸寂寞願尤工以老則絲其賦分言之亦不為不幸也若子美在開元則及見嚴人友八仙在乾元則奄從還京歸鞭左掖其間惟陷郵數月後來流落田園花郊亦與杜曲無異若石壕新安之曙記彭衙枯栢之崎嶇則意者造物托之子美以此人間之不免而又有數哉不然生開元天寶間有是豈不亦曰時也非命也○蜀郡虞集云杜公之詩冲遠渾厚上薄風雅下凌沈宋每篇之中有句法章法截乎不可紊至於正為變以變為正妙用無方如行雲流水初無定質出於精微奪乎天造是難以一形器求矣公之忠憤激切愛君憂國之心一繫於詩故常因是而為之說曰三百篇經也杜詩史也詩史之名指事實耳不與經對言也然風雅絕響之後唯杜公得之則史而無往而不在矣

樂府二十

唐詩七卷

前出塞

乾元間公在秦州思天寶時事而作

戚戚去故里悠悠赴交河公家有程期亡命嬰禍羅

君已富土境開邊一何多弃絕父母恩吞聲行負戈

○出門日已遠不受徒旅欺劉云如親歷其苦極征

自道詩必如此序情憫勞之際其庶幾乎骨肉恩豈斷男兒死無時走馬


脫轡頭手中挑青絲捷下萬仞岡俯身試搴旗劉云賦至

此極可○磨刀鳴咽水水赤刀傷手欲輕斷腸聲心

緒亂已矣劉云又丈夫誓許國憤惋復何有功名圖

麒麟戰骨當速朽

一



送徒既有長遠成亦有身生死向前去不勞吏怒嗔

路逢相識人附書與六親哀哉兩決絕不復同苦辛

三

迢迢萬餘里領我赴三軍軍中異苦樂主將寧盡聞

劉云眼前語意中事通透自別亦極哀怨之軀所以可傳隔河見胡騎倏忽數百

群我始為奴僕幾時樹功勳

四

挽弓當挽強用箭當用長射人先射馬擒賊先擒王

殺人亦有限立國自有疆苟能制侵凌豈在多殺傷

劉云此其自負經濟者軍中常有此人

五

驅馬天雨雪軍行入高山徑危抱寒石指落層冰間
已去漢月遠何時築城還浮雲暮南征可望不可攀

劉云作者
緩急自合

六

單于寇我壘百里風塵昏雄劍四五動彼軍為我奔
虜其名王歸繫頸授轅門潛身備行列一勝何足論

劉云千載不
死墮淚未乾

七

從軍十年餘能無分寸功衆人貴苟得款語羞雷同
○劉云乃併與軍中妬忌者之意得之必不可少者中原有鬪爭死在狄與戎
丈夫四方志安可辭固窮

後出塞

范德機云前後出塞皆傑作有古樂府之聲而理勝

男兒生世間及壯當封侯戰伐有功業安能守舊丘
召募赴薊門軍動不可留千金買馬鞍百金裝刀頭
閭里送我行親戚擁道周斑白居易上列酒酣進度羞
少年別有贈含咲看吳鉤

二

朝進東門營暮上河陽橋落日照大旗馬鳴風蕭蕭
劉云復欲一語似此殆千古不可得平沙列萬幕部伍各見招中天懸
明月令嚴夜寂寥悲笳數聲動壯士慘不驕借問大
將誰恐是霍嫖姚劉云此詩之妙可以招魂復起

三

古人重守邊今人重高勳劉云此義亦未及也豈知英雄主
出師亘長雲六合已一家四夷且孤軍遂使貔虎士
奮身勇所聞拔劍擊大荒日收胡馬群誓開玄冥北
持以奉吾君

四

獻凱日繼踵兩藩靜無虞漁陽豪俠地擊鼓吹笙竽
雲帆轉遼海粳稻來東吳越羅與楚練照耀輿臺驅
主將位益崇氣驕凌上都邊人不敢議議者死路衢

五

我本良家子出師亦多門將驕益愁思身貴不足論
躍馬一十年恐辜明主恩坐見幽州騎長驅河洛昏

夜間道歸故里但空村惡名幸脫免窮老無兒孫

東坡志林云味此詩蓋祿山反時其將校有脫身
歸國者而賊殺其妻子不知其姓名為可恨也○
劉云寫至退軍
人則無餘矣

夏日嘆

夏日出東北陵天經中街朱光徹厚地鬱蒸何由開
上蒼久無雷無乃號令乖雨降不濡物良田起黃埃
飛鳥苦熱死池魚涸其涯萬人尚流冗舉目唯蒿萊
至今大河北盡作虎與豹浩蕩想幽薊王師安在哉
對食不能飡我心殊未諧眇然貞觀初難與數子偕

夏夜嘆

永日不可暮炎蒸毒我腸安得萬里風飄飄吹我裳

昊天出明月茂林延踈光仲夏苦夜短開軒納微涼
虛明見纖毫羽垂亦飛揚物情無巨細自適固其常
念彼荷戈士窮年守邊疆何由一洗濯執熱互相望
竟夕擊刁斗喧聲連萬方青紫雖被體不如早還鄉
北城悲笳發鸛鶴號且翔况復煩促倦激烈思時康
潼關吏

士卒何草草築城潼關道大城鉄不如小城萬丈餘
借問潼關吏脩關還備胡要我下馬行為我指山隅
連雲列戰格飛鳥不能踰胡來但自守豈復憂西都
丈人視要處窄狹容單車艱難奮長戟千古用一夫
哀哉桃林戰百萬化為魚請囑防關將慎勿學哥舒



王深父云此詩蓋刺非其人則舉關以奔之得其人雖舊險亦足恃孟子所謂地利不如人和也

新安吏 公自注云收京後作雖收兩京賊家別蓋紀當時九節度黨師之敗朝廷調諸郡兵益急矣

客行新安道喧呼聞點兵借問新安吏縣小更無丁

府帖昨夜下次選中男行中男絕短小何以守王城

肥男有母送瘦男獨伶俜白水暮東流青山猶哭聲

莫自使眼枯收汝淚縱橫眼枯却見骨天地終無情

我軍收相州日夕望其平豈意賊難料歸軍星散營

就粮近故壘練卒依舊京掘壕不到水牧馬後亦輕

况乃王師順撫養甚分明送行勿泣血僕射如父兄

王深父云此篇哀出兵之役夫古者遣將有推轂分闔之命今奔師於敵也虐至於無告如詩之所

感其君臣豈不可刺哉然子儀猶寬度得參故卒
羨焉范云天地無情而僕射如父兄當時人心
可矢朝廷之
大體可悲矣

石壕吏

暮投石壕村有吏夜捉人老翁踰墻走老婦出門看
吏呼一何怒婦啼一何苦聽婦前致詞三男鄴城戍
一男附書至二男新戰死存者且偷生死者長已矣
室中更無人唯有乳下孫孫有母未去出入無完裙
老嫗力雖衰請從吏夜歸急應河陽役猶得備晨炊
夜久語聲絕女聞泣幽咽天明登前途獨與老翁別

王深父云驅民之丁壯盡置死地而猶急其老
弱雖秦為閭左之戍不堪也嗚呼其時急矣哉

新婚別

東絲附蓬廡引蔓故不長嫁女與征夫不如弃路傍
結髮為妻子席不暖君床暮婚晨告別無乃太匆忙
君行雖不遠守邊赴河陽妾身未分明何以拜姑嫜
父母養我時日夜令我藏生女有所歸雞狗亦得將
君今往死地沉痛迫中腸誓欲隨君去形勢反蒼黃
勿為新婚念努力事戎行婦人在軍中兵氣恐不揚
范云顛沛流離之際猶有若是婦人為
為人臣而不知春秋之義者何心哉自嗟貧家女父
致羅襦裳羅襦不復施對君洗紅粧仰視百鳥飛大
小必雙翔人事多錯迺與君永相望劉云曲折詳至
顯條達○王深父云先王之政有新婚者期不後
政出於刑名則一切便事而已此詩所然盡其常
分而能不忘禮
義余是以錄之

垂老別

四郊未寧靜。垂老不得安。子孫陣亡盡。馬用身獨完。
 投杖出門去。同行為辛酸。幸有牙齒存。所悲骨髓乾。
 男兒既介冑。長揖別上官。老妻臥路啼。歲暮衣裳單。
 孰知是死別。且復傷其寒。此去必不歸。還聞勸加餐。
 玉門壁甚堅。杏園度亦難。勢異鄴城下。絕死時猶寬。
 人生有離合。豈擇盛衰端。憶昔少壯日。遲迴竟長嘆。
 萬國盡征戍。烽火被岡巒。積屍草木腥。流血川原丹。
 何鄉為樂土。安敢尚盤桓。棄絕蓬室居。塌然摧肺肝。
王案父云。律典之除。至於老者。亦介冑則有甚於閭左之戍矣。

無家別



寂寞天寶後。園廬但蒿蕪。我里百餘家。世亂各東西。
 存者無消息。死者為塵泥。賤子因陳敗。歸來尋舊蹊。
 父行見空巷。一作印。瘦氣慘。劉云。經歷多矣。無如。
 但對狐與狸。豎毛怒我啼。四鄰何所有。一二老寡妻。
 宿鳥戀本枝。安辭且窮棲。方春獨荷鋤。日暮還灌畦。
 縣吏知我至。召令習鼓鼙。雖從本州役。內顧無所携。
 近行止一身。遠去終轉迷。家鄉既盪盪。遠近理亦齊。
劉云。寫至此。亦無復餘。恨此其所以泣鬼神者。永痛長病母。五年委溝溪。
 生我不得力。終身兩酸嘶。人生無家別。何以為烝黎。
父云。先王子惠。困窮苟推其所。不忍達之於其所。忍則天下無敗亂之兆矣。意此詩何為而作乎。

留花門

黃鶴云。時用吐蕃回紇諸兵。收長安。葉護奏以軍中馬少。請留其兵。

於沙苑自歸取馬還為掃除范陽餘孽花門山名指迴紇也公逆知其害故作此

北門天驕子。飽肉氣勇決。高秋馬肥健。挾矢射漢月。

自古以為患。詩人厭薄伐。脩德使其來。羈縻固不絕。

胡為傾國至。出入暗金闕。中原有驅除。隱忍用此物。

公主歌黃鵠。君王指白日。范云此中國何如時也讀此者可以鑒春秋書會戎

盟戎之義矣謂子美詩為詩史可不信也連雲屯左輔。百里見積雪。長戟

鳥休飛。哀笳曉幽咽。田家最恐懼。麥倒桑柘折。沙苑

臨清澗。泉香草豐潔。渡河不用舡。千騎常撒烈。胡塵

踰太行。雜種抵京室。花門既須留。原野轉蕭瑟。

紀行二十一首乾元二年冬自秦州如回谷至成都紀行所作也

崔德符曰首韓子蒼嘗論此詩筆力變化當與太史公諸贊方駕學者宜當諷誦之

朱子語錄云杜詩初年甚精細晚年曠逸不可當如自秦州入蜀諸詩分明如畫方其少時作也

發秦州

我衰更懶拙。生意不自謀。無食問樂土。無衣思南州。

漢源十月交。天氣涼如秋。草木未黃落。况聞山水幽。

栗亭名更佳。下有良田疇。充腸多薯蕷。羣盜亦易求。

密竹復冬筍。清池可方舟。雖傷旅寓遠。庶遂平生遊。

此邦俯要衝。實恐人事稠。應接非本性。登臨未銷憂。

溪谷無異石。塞田始微收。豈復慰老夫。惘然難久留。

日色隱孤戍。烏啼滿城頭。中宵驅車去。飲馬寒塘流。

磊落星月高。蒼茫雲霧浮。大哉乾坤內。吾道長悠悠。

赤谷赤谷有亭當是在秦州近境

叔

天寒霜雪繁遊子有所之豈但歲月暮重來未有期
晨發赤谷亭險艱方自茲亂石無改轍我車已載脂
山深苦多風落日童稚飢悄然村墟迥煙火何由進
貧病轉零落故鄉不可思常恐死道路永為高人嗤

鐵堂峽

山風吹遊子縹渺乘險絕峽形藏堂隍壁色立積缺
徑摩穿蒼蟠石與厚地裂修織無限竹嵌空太始雪
威澤哀聲底徒旅慘不悅水寒長冰橫我馬骨正折
生涯抵孤矢盜賊殊未滅飄蓬踰三年迴首肺肝熱

寒峽

行邁日悄悄山谷勢多端雲門轉絕巖積阻霾天寒

寒峽不可度我實衣裳單况當仲冬交冰泐增波瀾
野人尋煙語行子傍水食此生免荷負未敢辭路難

劉云然傷忠厚
得詩人之正

法鏡寺

身危適他州勉強終勞苦神傷山行深愁破崖寺古
婵娟碧鮮淨蕭瑟寒籥聚面田山根水冉冉松上雨
洩雲蒙清晨初日翳復吐朱薨半光烟戶牖繁可數
拄策忘前期出蘿已亭午冥冥子規叫微絳不復取

青陽峽

塞外苦厭山南行道彌惡罔巒相經日雲水氣參錯
林迴峽角來天窄壁面削溪西五里石奮怒向我落

徑

御看日車側俯恐坤軸弱魑魅嘯有風霜霰浩漠漠
昨憶踰隴阪高秋視吳岳東咲蓮花果北知崆峒薄
超然侔壯觀已謂殷音隱窳廓突兀猶赴人謂前險已盡至此依
然相隨及茲嘆冥寞

石龕

熊羆咆我東虎豹號我西我後鬼長嘯我前猿又啼
天寒昏無日山遠道路迷驅車石龕下仲冬見虹霓
伐竹者誰子悲歌上雲梯為官采美箭前五歲供梁齊
苦云直幹盡無以充提携柰何漁陽騎颯颯驚蒸黎

積草嶺

同谷

連峰積長陰白日迷隱見磁磁林響交慘慘石狀變

山分積草嶺路異明水縣旅泊吾道窮畏年歲時倦
卜居尚百里休駕接諸彦邑有佳主人情如已會面
來書語絕妙遠客驚深眷食藜不願餘茅茨眼中見

劉云相去尚百里想像如見願休焉息馬之志也

鳳凰臺

成州有鳳凰山即秦弄玉簫史吹簫之地

亭亭鳳凰臺北對西康州西伯今寂寞鳳聲亦悠悠
山峻路絕蹤石林氣高浮安得萬丈梯為君上上頭
恐有無母雛飢寒日啾啾我能剖心血飲啄慰孤愁
心以當竹實烟然忘外求血以當醴泉豈徒比清流
所重玉者瑞敢辭微命休坐看綵翮長舉意八極周
自天啣瑞圖飛下十二樓圖以奉至尊鳳以垂鴻猷

再光中興業一沈蒼生憂深衷正為此群盜何淹留

劉云懇至不厭

萬丈潭

蔡夢弼云同谷縣有鳳凰潭一名萬丈潭

青溪何宜奠神物有顯晦劉云便視龍依積水蟠窟壓

萬丈內踞步凌垠塢側身下煙靄前臨洪濤寬却立

蒼石大山危一徑盡岸絕兩壁對削成根虛無倒影

垂澹瀨徒對黑知灣潭底清見光烟碎孤雲倒來深

飛鳥不在外高蘿成帷幄寒木疊旌旆遠川曲通流

嵌竇渚洩瀨造幽無人境發興自我輩告歸遺恨多

將老斯遊最閉藏修鱗蟄出入巨石礙劉云造意語好何事

炎天過快意風雲會

發同谷縣

乾元二年十一月一日隴右赴劍南

賢有不黔突聖有不暖席况我下愚人焉能尚安宅

始來茲山中休駕喜地僻柰何迫物累一歲四行役

忡忡去絕境杳杳更遠適停驂龍潭雲迴首虎崖石

臨岐別數子握手淚再滴交情無舊深窮者多慘感

平生嬾拙意偶值栖遁跡去住與願違仰慙林間翮

木皮類

首路栗亭西尚想鳳凰村李冬携童稚辛苦赴蜀門

南登木皮類艱險不易論汗流被我體祈寒為之眩

遠岫爭輔佐千岩自崩奔始知五岳外別有他山尊

仰干塞大明俯入裂厚坤再聞虎豹闕屢踞風水昏



高有巖閣道摧折如短轅下有冬青林石上走長根
西崖特秀發煥若靈雲之饒潤聚金碧照清無沙土痕
憶觀崑崙圖目擊玄圃存對此欲何適默傷垂老魂

白沙渡

畏途隨長江渡口下絕岸差池上舟楫杳窅入雲漢
天寒荒野外日暮中流半我馬向北嘶山猿飲相喚
水清石礚礚沙白難漫漫迥然洗愁辛多病一踈散
高壁抵欽釜洪濤越凌亂臨風獨回首攬纜復三嘆

水會渡

山行有常程中夜尚未安微月沒已久崖傾路何難
大江動我前洄若溟渤真篙師暗理楫歌笑輕波瀾

傾

霜濃木石滑風急手足寒入舟已千慮陟巘仍萬盤
回眺積水外始知衆星乾劉云窮遠遊令人瘦衰疾
慙加食

飛仙閣

華陽國志諸葛亮鑿石架空為飛梁閣道

土門山行窄微徑緣秋豪棧雲闌干峻梯石結構牢
萬壑歌踈林積陰帶奔濤寒日外澹泊長風中怒號
歌鞍在地底始覺所歷高往來雜坐卧人馬同疲勞
浮生有定分飢飽豈可逃嘆息為妻子我何隨汝曹

五盤謂棧道盤

五盤雖云險山色佳有餘仰凌棧道細俯映江水疎
地僻無網罟水清反多魚好鳥不妄飛野人半巢岩

木

喜見淳朴俗坦然心神舒東郊尚格闘巨猾何時除
故鄉有弟妹流落隨丘墟成都萬事好豈若歸吾廬

石櫃閣

季冬日已長山晚半天赤蜀道多草花江間饒奇石

石櫃層波上臨虛蕩高壁清暉迴群鷗暝色帶遠客

唐子西語錄云江間饒奇石未為羈栖負幽音感嘆

極勝到曉色帶遠客則不可及也

向絕跡信甘孱懦嬰不獨凍餒迫優游謝康樂放浪

桔柏渡桔居

青冥寒江渡駕竹為長橋竿濕烟漠漠江水風蕭蕭

連竿動孌娜征衣颯飄飄急流搗鷓散絕岸電電驕

西轅自茲異東逝余可要高通荆門路隨會滄海潮

孤光隱顧盼遊子恨寂寥無以洗心胸前登山椒

劍門地理志劍州劍門縣有梁山亦名大

唯天有設險劍門天下壯連山抱西南石角皆北向

兩崖崇墉倚刻畫城郭狀一夫怒臨關百萬未可傍

珠玉走中原岷峨氣悽愴三皇五帝前鷄犬莫相放

後王尚柔遠賤貢道已喪至今英雄人高視見霸王

并吞與割據極力不相讓吾將罪直宰意欲鏗疊嶂

恐此復偶然臨風默惆悵劉云嘆地險而惡負固者

鹿頭山唐志漢州德陽縣有鹿頭山高

鹿頭何亭亭是日慰飢渴連山西南斷俯見千里豁

遊子出京華。劍門不可越。及茲險阻盡。始喜原野闊。
 殊方昔三分。霸氣曾間發。天下今一家。雲端失雙闕。
 悠然想楊馬。繼起名碑元。有文令人傷。何處埋尔骨。
 紆餘脂膏地。慘澹豪俠窟。仗鉞非老臣。宣風豈專達。
 冀公僕射冀國公裴冕時為劍南節度使。柱石姿論道。邦國活斯人。亦
 何幸公鎮踰歲月。

成都府

翳翳桑榆日照我。征衣裳。劉云有何深意到處自然我行山川異。
 忽在天一方。但逢新人民。未卜見故鄉。大江東流去。
 遊子去日長。層城填華屋。季冬樹木蒼。喧然名都會。
 吹簫聞笙簧。信美無與適。側身望川梁。鳥雀夜各歸。

中丞香茫茫。劉云憤然悲感天初月出不高。衆星尚
 爭光。劉云語次寫景注自古有羈旅。我何苦哀傷。
者屑屑附會可厭

唐詩品彙卷之七